



Na osnovu člana IV, stav 1. tačka 1.9 Odluke Skupštine Kantona o usvajanju projekta „Opsada i odbrana Sarajeva 1992-1995. godine“ („Službene novine Kantona Sarajevo“, br. 9/06, 15/07 i 35/12), a u skladu sa članom 22 stav (2) Zakona o izvršenju Budžeta Kantona Sarajevo za 2017. godinu („Službene novine Kantona Sarajevo“, broj 53/16), članom 6. stav 3. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12-Ispravka, 37/13 i 16/14), te članom 5. i 7. tačka 4. Pravilnika o kriterijima za finansiranje/sufinansiranje programa i projekata neprofitnih organizacija i udruženja („Službene novine Kantona Sarajevo“, broj 17/14), ministar za boračka pitanja Kantona Sarajevo raspisuje

JAVNI POZIV
za podršku projektima pisane riječi sa tematikom iz perioda
odbrambeno-oslobodilačkog rata 1992-1995. godine za 2017. godinu

I Predmet javnog poziva:

Predmet javnog poziva je finansiranje programa i projekata koji se odnose na realizaciju Projekta „Pisana riječ u funkciji da se ne zaboravi 1992 -1995.“, a u skladu sa Odlukom Skupštine Kantona o usvajanju Projekta „Opsada i odbrana Sarajeva 1992-1995. godine“ („Službene novine Kantona Sarajevo“, br. 9/06, 15/07 i 35/12). Pisana riječ osim knjiga, monografija i drugih pisanih djela obuhvata i ostale forme radova (audio i video djela i drugo).

II Pravo učešća

Pravo učešća po ovom Javnom pozivu imaju udruženja građana, nevladine organizacije i neprofitne organizacije, fondacije i zaklade i druga pravna lica koja njeguju tekovine odbrambeno-oslobodilačkog rata 1992.-1995. godine i autori pojedinci.

III Kriteriji za učešće

Aplikanti podnose pismene zahtjeve za finansiranje/sufinansiranje iz Budžeta Kantona Sarajevo za realizaciju projekata i programa od interesa za boračku populaciju Kantona Sarajevo sa dokazima o ispunjavanju općih kriterija navedenih u Uredbi o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12-Ispravka, 37/13 i 16/14).

Dokumentacija koju treba dostaviti:

- a) Popunjen obrazac za aplikaciju za finansiranje/sufinansiranje projekta, koji sadrži: naziv projekta, opis problema/potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet;
- b) Rješenje o registraciji;
- c) Uvjerenje iz registra udruženja izdato u vrijeme podnošenja zahtjeva, izuzev iz registra udruženja koje vodi Ministarstvo pravde i uprave Kantona Sarajevo, koje nosilac budžetskih sredstava pribavlja po službenoj dužnosti;
- d) Ovjerena i potpisana izjava odgovornog lica o ekonomskoj i društvenoj opravdanosti projekata koje udruženje predlaže;
- e) Uvjerenje o poreskoj registraciji – identifikacioni broj;

- f) Uvjerenje o izmirenim poreskim obavezama;
- g) Uvjerenje o izmirenim porezima i doprinosima za zaposlenike;
- h) Bilans stanja i bilans uspjeha za prethodnu godinu ovjereni od strane nadležne ustanove i narativni izvještaj za prethodnu godinu;
- i) Finansijski izvještaj o utrošku sredstava za projekte odobrene u prethodnoj godini na propisanom obrascu od strane Ministarstva finansija Kantona Sarajevo;
- j) Finansijski plan za tekuću godinu;
- k) Program rada za tekuću godinu sa obrazloženjem;
- l) Ovjerene i potpisane izjave odgovornog lica koje će posvjedočiti o: organiziranosti i broju članova udruženja, o broju lica koja učestvuju u realizaciji projekata, specifičnosti potreba članova udruženja odnosno populacije koju zastupaju, o rezultatima i uspjesima na kantonalnom, federalnom, državnom i međunarodnom nivou, odnosno o broju korisnika koji su obuhvaćeni projektom.

Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje.

Udruženje koje je registrovano u prethodnoj godini i nije dobilo sredstva za projekte, nije dužno dostaviti izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu) i finansijski izvještaj o utrošku sredstava za projekte odobrene u prethodnoj godini.

S obzirom na zakonski rok predaje godišnjeg izvještaja AFIP-u (kraj februara), dokumentaciju iz tačke h) bilans stanja i uspjeha, udruženje može dostaviti i naknadno, odnosno najkasnije do 03.03.2017. godine.

Posebni kriteriji su:

1. Projekti iz predmeta javnog poziva,
2. Izjava o finansiranju iz drugih izvora ili drugih nivoa vlasti za prethodnu godinu,
3. Izjava o finansiranju iz drugih izvora ili drugih nivoa vlasti za aplicirani projekat.

Pojedinci koji apliciraju svojim projektima uz aplikaciju trebaju dostaviti:

1. Kopiju lične karte i CIPS-ove prijave prebivališta;
2. Obrazloženje projekta (cilj i način realizacije);
3. Izjava o finansiranju iz drugih izvora ili drugih nivoa vlasti za aplicirani projekat;
4. Rezultati i uspješnost ranije realizovanih projekta koji su finansirani/sufinansirani od drugih institucija (ovjerena i potpisana izjava odgovornog lica);
5. Izvještaj o utrošku sredstava za projekte odobrene u prethodnoj godini;
6. Uvjerenje da podnosilac zahtjeva nije evidentiran kao poreski obveznik;
7. Dokaz o pripadnosti boračkoj populaciji.

Svi dokumenti koji se podnose kao dokaz o ispunjavanju općih i posebnih kriterija iz ovog poziva trebaju biti originali ili ovjerene kopije.

IV Zajedničke odredbe

Korisnici sredstava odobrenih putem Ministarstva za boračka pitanja za programe i projekte realizovane u prethodnom periodu koji nisu dostavili narativni (opisni) i finansijski izvještaj o utrošku sredstava ne mogu biti prihvaćeni za finansiranje/sufinansiranje programa i projekata za 2016. godinu.

Projekte kojima se aplicira na ovaj javni poziv treba obrazložiti u skladu sa podacima sadržanim u Obrascu za prijavu projekata za finansiranje/sufinansiranje iz Budžeta Kantona Sarajevo (OBR.7.3-02-01/01).

Proceduru odobravanja sredstava po ovom Javnom pozivu provodi Komisija koju imenuje ministar za boračka pitanja.

Udruženja kojima sredstva budu odobrena po ovom Javnom pozivu, izuzev za otkup gotovih djela, su dužna ista iskoristiti u omjeru utvrđenom od strane Ministarstva finansija Kantona Sarajevo u Obrascu narativnog i finansijskog izvještaja i to:

- a) maksimalno do 30% odobrenih sredstava za administrativne troškove,
- b) minimalno 70% odobrenih sredstava za projektne aktivnosti.

Visinu sredstava za raspodjelu po ovom Javnom pozivu utvrđuje Ministarstvo za boračka pitanja na osnovu usvojenog Budžeta Kantona Sarajevo za 2017. godinu.

Sredstva odobrena po osnovu ovog Javnog poziva se moraju iskoristiti za realizaciju kandidovanog projekta, pri čemu se korisnik sredstava mora pridržavati važećih zakonskih propisa.

Rok za dostavu izvještaja o namjenskom utrošku sredstava sa odgovarajućom dokumentacijom je 15 dana od dana okončanja projekta.

Izvještaj se dostavlja prema standardnom Obrascu narativnog i finansijskog izvještaja koji je izradilo Ministarstvo finansija.

Zahtjevi sa kandidovanim projektima i potrebnom dokumentacijom podnose se putem protokola Kantona Sarajevo ili poštom na adresu: Ministarstvo za boračka pitanja Kantona Sarajevo, ulica Reisa Dž. Čauševića br. 1, 71000 Sarajevo.

Zahtjeve koji su predati prije ovog Javnog poziva, uključujući i zahtjeve predate u 2016. godini po kojima nije bilo odobravanja sredstava, treba obnoviti u skladu sa ovim javnim pozivom.

Rok za podnošenje zahtjeva po ovom Javnom pozivu je 16 dana od dana objavljivanja u dnevnim novinama, odnosno zaključno sa 24.02.2017. godine.

Nepotpuni i neblagovremeni zahtjevi neće se uzimati u razmatranje.

Uz saglasnost ministra se u razmatranje u toku godine mogu uzeti i pojedini opravdani zahtjevi predati van roka Javnog poziva.

Javni poziv kao i pomenuti obrasci se mogu naći na web stranici Ministarstva za boračka pitanja Kantona Sarajevo (mbp.ks.gov.ba).

Broj: 06-14-3674/17
Sarajevo, 07.02.2017. godine



web: <http://mbp.ks.gov.ba>
e-mail: minbopi@ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1

